

## **Ikuallannaveersaartitsineq qatserinerlu pillugit Inatsisartut peqqussutaat nr. 6, 30. oktober 1992-imeersoq Atuussimasoq (Historisk)**

Kallerup innera, imeqarnej kiassaateqarnerlu, qatserisartoqarnej, umiarsualiviit, aqqusernit, nalunaarasuartaateqarnej il.il. pillugit Kalaallit Nunaannut inatsit nr. 943, 23. december 1986-imeersoq naapertorlugu matumuuna makku aalajangersarneqarput:

### **Kapitali 1.**

Qatserisartoqarnerup aaqqissuussaana pillugu.

**§ 1.** Inatsisartut peqqussutaanni uani malittarisassat naapertorlugit kommuni suugaluartorluunniit qatserisartoqatigiinnik pilersitsisussaavoq, kommunimi illuliortiternerit siaruarsimaneri suussusiilu tunngavigalugit, sulliviit kommunimiittut pissusii, inuit eqimassusiat, imeqarnej il.il. tunngavigalugit ikuallattoqartillugu ajunngitsumik annaassiniarlutillu qamitsiniarsinnaasussanik.

Imm. 2. Kommunip qatserisartoqarnerani qatserisartut immikkoortorta qarfiit ataasiusinnaallutillu arlaliusinnaapput. Qatserisartut immikkoortorta qarfiat, kommunimi illoqarfiit pingaarnersaata inissisimaffigisaaniittoq, nalinginnaasumik ikiuukkiartorasuartartuussapput biilnik angallasersukkat, kommunilli qatserisartoqarnermut immikkoortorta qarfiini allani nalinginnaasumik upalu-ngaarsimasussaataassapput oqinnerusunik atortulersukkat.

Imm. 3. Naalackersuisut kommuni ikiuukkiartorasuartartussanik imaluunniit upalungaarsimasussaataasunik pilersitsinissamut tamarmiusumik imaluunniit ilaannakuusumik pinngitsoortissinnaavaa, qatserisartut immikkoortoqarfianni pineqartumi annaassiniartarnissamik qamitsiniartarnissamillu iluarsartuussineq illersorneqarsinnaasoq allatut iliorluni pilersinneqarsimappat.

**§ 2.** Kommunip qatserisartoqarnerani kominunalbestyrelsi qullersaasumik siulersuisuussaaq. Nalinginnaasumik siulersuineq ingerlanneqassaaq kommunip qatserisartoqarnermut ataatsimiititaliaanit, taamaattorli takuuk imm. 4.

Imm. 2. Qatserisartoqarnermut ataatsimiititaliaq arfinilinnik ilaasorta qarpoq, taakkunannga sisamat kommunalbestyrelsimut toqqakkat. Taakkunannga pingasut kommunalbestyrelsimut ilaasortaassapput, ataaserlu kommunimi teknikkikkut ingerlatsivimmi atorfiliussalluni. Qatserisartoqarnermut ataatsimiititaliamut ilaasortaapputtaaq qatserisartoqarnermik nakkutilliisoq, brandinspektøri, ilaasortarlu ataaseq Kalaallit Nunaanni Politimesterimit toqqagaq.

Imm. 3. Qatserisartoqarnermut ataatsimiititaliap siulittaasussaa kommunalbestyrelsip toqqassavaa kommunalbestyrelsimut ilaasortat kommunalbestyrelsip toqqagaasa akornannit.

Imm.4. Qinnuteqartoqarnerata kingorna naalackersuisut akuersaarsinnaavaat siulersuineq kommunimi ataatsimiititaliamit allamit isumagineqassasoq.

**§ 3.** Kommunini tamani qatserisartoqarnermut ileqqoreqqusaq suliarineqassaaq makkununnga

maleruagassianik erseqqinnerusunik imalik:

- a) qatserisartut aaqqissuunneqarnerat sulinerminnilu atugarisassaas,
- b) kommunimi imaluunniit kommunip ilaani qatserisartut immikkoortortaqaarfiinik pilersitsinissaq,
- c) qatserisarnermi atortut pisatsersuutillu nassaassaasussat aammalu aserfallatsaalisassat kommunip akiligassaanik,
- d) qatserinermut atortut, pigisanik aalaakkaasunik piginnittut pissarsiarisassaas aserfallatsaalisassaallu,
- e) imermik pilersuineq qatserinissamat pisariaqartoq,
- f) ikuallattoqartillugu kalerrisaarinissaq.

Imm. 2. Qatserisartoqarnermut ileqqoreqqusaq kommunalbestyrelsimit suliarineqassaaq naalackersuisunillu akuersissutigineqarluni.

Imm. 3. Kommunalbestyrelsip isumaanut akerliusumik ileqqoreqqusami aalajangersakkamik ilanngussisoqarsinnaangilaq qatserisartoqarnermut tunngasut nutarterneqarnissaas pillugu imaluunniit qatserisarnermi atortut amerlineqarnissaas pillugu imaluunniit atortussat allat nutaat atulernissaas pillugu, tamakkunuuna kommuni annertuumik aningaasartuuteqarnerulersinneqassappat, tunngavissat pisariaqarluinnartut taamaasiornissaq pisariaqartilersimangippassuk.

Imm. 4. Qatserisartoqarnermut ileqqoreqqusaq kommunalbestyrelsimit tamanut saqqummiunneqassaaq.

Imm. 5. Ikinerpaamik ukiut tallimangorneri tamaasa qatserisartoqarnermut ileqqoreqqusaq nutarterneqarsinnaasutut oqaluuserineqartassaaq.

**§ 4.** Kommunini tamani qatserisartoqarnermik nakkutilliisussaq kommunalbestyrelsip toqqassavaa.

Imm. 2. Qatserisartoqarnermik nakkutilliisooq pisussaavoq atorfimminiissalluni sivikinnerpaamik ukiuni arfinilinni, taamatut atorfeqanngitsoorumanissamat pissutissaqavinngikkuni.

Qatserisartoqarnermik nakkutilliisutut sulisimasooq nutaamik toqqarneqarnissaminut akuersinissamat pisussaataaangilaq, piffissaq suliffigisamisut sivistutigisooq qaangiutereersimatinnagu.

Imm. 3. Qatserisartoqarnermik nakkutilliisooq malittarisassat atuuttut naapertorlugit akissarsiaqassaaq.

Imm. 4. Qatserisartoqarnermik nakkutilliisooq piffissami taamatut atuuffigisamini kommunimi suliassanik allanik suliaqarumanani kissaateqarsinnaavoq.

Imm. 5. Imm. 1-imit 4-mut maleruagassiat assingi naapertorlugit qatserisartoqarnermik nakkutilliisup ikiortissaatut qatserisarnermi assistentit marluk amerlanerilluunniit toqqarneqarsinnaapput.

Imm. 6. Qatserisartoqarnermik nakkutilliisooq kommunimi qatserisarnermut tunngasut ulluinnarni siulersorneqarnerat isumagissavaa aammalu qatserinermut atortunik nakkutilliissalluni.

Imm. 7. Qatserisartoqarnermik nakkutilliisooq nammineerluni imaluunniit taartigisani piginnaatitaasooq aqputigalugu misissuisassaaq illorsuarni tamani qisuttuiffilinni, paasiniarlugit pujoorfiit, qisuttuiffiit, taakkununga ilaatillugit iffiorfiit, pujooriviit allallu aammalu eqqortumik aserfallatsaalineqarnersut salinneqarsimanersullu. Qatserisartoqarnermik nakkutilliisup nakkutigissavaa pujoorfinnik saliisarneq ikuallattoornissamullu pitsaaliuinissami aalajangersakkat allat eqqortinneqarsimanersut.

Imm. 8. Naalackersuisut aalajangersinnaavaat, imm. 7-imi misissuisarnissamat ilanngunneqarsimasumut taarsiullugit pujoorfinnik saliinermut atatillugu nakkutilliineq

suliarineqarsinnaasoq.

Imm. 9. Naalakkersuisut aalajangersinnaavaat qatserisartoqarnermik nakkutilliisoq nammineerluni imaluunniit taartigisani piginnaatitaasoq aqputigalugu misissuissasoq illorsuarnik eqqissisimatitanik, oqaluffinnik, katersortarfinnik, ininik saqqummersitsivinnik nuannaarniartarfinnillu aammalu illorsuarnik allanik, taakku inersuini inuit amerlasuut katersuuttaraangata, aammalu illorsuarnik ikuallattoornissamut navianaatilinnik peqqumaatinilli aammalu sullivinnik § 18-imut aamma § 19-imut atatitanik.

Imm. 10. Naalakkersuisut qatserisartoqarnermik nakkutilliisunut ileqqoreqqusaliussap.

**§ 5.** Qatserisartut immikkoortoqarfiini tamani qatserisarnermi formandiususaaq kommunalbestyrelsip toqqassavaa. Qatserisartoqarnermik nakkutilliisoq qatserisarnermi formandiusutut atuutissaaq, qatserisartut immikkoortoqarfiani najugaqarfigisamini.

Imm. 2. Qatserisarnermi formandit toqqarneqartassapput § 4, imm. 2-miit 4-mut maleruagassiat naapertorlugit.

Imm. 3. Qatserisarnermi formandi najukkamini upalungaarsimasussaataasunut pisortaassaaq.

**§ 6.** Ikiuukkiartorasuarsinnaasunut aamma upalungaarsimasussaataasunut qatserisartut kommunalbestyrelsimiit atorf initsinneqartassapput.

Imm. 2. Qatserisartunik atorf initsitsisarneq § 4-imi, imm. 2-miit 4-mut maleruagassiat naapertorlugit pisarpoq.

**§ 7.** Naalakkersuisut aalajangersinnaavaat, qatserisartoqarnermik nakkutilliisoq, qatserisarnermi assistentit qatserisarnermilu formandit aammalu qatserisartut immikkut ittumik ilinniartinneqassasut.

**§ 8.** Naalakkersuisut peqqussutigisinnaavaat qatserinermi atortut, qatserinermi maqitsiviit kalerrisaarutillu assigiiaartut atorneqassasut.

**§ 9.** Pisortatimeqarfiutaannik ukioq kaajallallugu imeqarfissamik pilersitsinermi pisortat pisussaapput erngup aqputissaasa inissinneqarneranni annertussusiligaanerannilu nakkutigissallugu qatserinermi imermik pilersuinissamut naleqquttumik periarfissaqarnissaa aamma erngup aqputaani qatserinermi imermik maqitsivissat pisariaqartunik amerlassusillit inississallugit, pisortat akiligaannik atatinneqartussat.

Imm. 2. Imermik maqitsiviit inissisimanerannut, aqqissuussaanerannut, imermik pilersorneqarnerannut - tassunga ilaatillugit erngup annertussusissaa naqitsinissaalu, tikeriataagassaanerannut - tassunga ilaatillugit aqqusinernit tikitsiniarfissat taakkulu nivanneqartarnissaannut piumasagaatit -, qerisoornermit, aporneqarnermit allatigulluunniit ajoquserneqarsinnaanerannut isumannaallisaanissamut nalunaaqutsersorneqarnissaannullu malittarisassat erseqqinnerusut Naalakkersuisunit aalajangersarneqassapput.

Imm. 3. Sumiiffinni, erngup aqputaani inunnit ataasiakkaanit pigineqartuni imermik maqitsiviit pisortanit pigineqartut inissinneqarnissaat pisariaqartutut isumaqarfigineqaraangat imaluunniit imermik maqitsiviit inunnit ataasiakkaanit pilersinneqarsimasut qatserinermut nalinginnaasumut atorneqarnissaat pisariaqartutut isumaqarfigineqarangaat, qatserisartoqarnermut ataatsimiititaliap imaluunniit kommunimi ataatsimiititaliap allap, takuuk § 2, imm. 4, aalajangersinnaavaat, inunnut ataasiakkaanut imermik pilersuiffiit taama ittut pisortanit nakkutigineqassasut aammalu

atatinneqassasut aserfallatsaalineqarlutillu kommunip akiligaanik.

Imm. 4. Sumiiffinni, pisortanit imaluunniit inunnit ataasiakkaanit ukioq kaajallallugu imeqarfiliani maqitsivinnit imermik qatserinermut maqitsivinnit imermik qatserinermut atugassanik pilersorneqarsinnaanngitsuni, qatserisartoqarnermut ataatsimiititaliap imaluunniit kommunimi ataatsimiititalip allap, takuuk § 2, imm. 4, imermik pilersuiffissatut akuersissutigisinnaavaat tasiliaq atajuartussa, taseq, kuuk imaluunniit immami ammaannartumi milluaavissaq piareersimasoq, taakku piffissani qerinarfiusuni qatserivissatut ammatitatigut illersorneqarsinnaasumik ammatinneqassappata.

Imm. 5. Qatserisartoqarnermut ataatsimiititaliap imaluunniit kommunimi ataatsimiititaliap allap, takuuk § 2, inun. 4, isumaa naapertorlugu pissutsit ajornartinnigippasuk, imermik pilersuiffissanik aalajangersimasunik peqarnissaanik piumasarisat taamaatinneqarsinnaapput, qamutit imertaassuit pisariaqartunik amerlassusillit qamutinut qangatsiivinni kiassagaasuni inissinneqarsimasut atorlugit imermik pilersuivinnik nikissinnaasunik pilersitsisoqarpat.

Imm. 6. Imermik qatserutissamik aalajangersimasumik angallattakkanilluunniit pilersuinerup, takukkit iim. 4 aamma 5, attanneqarnerannut aningaasartuutit kommunip akilersinnaavai.

Imm. 7. Qatserinermut maqitsiviit imermillu pilersuiviit ukiumut ikinnerpaamik marloriarluni misissorneqartassapput taamatullu aamma imermik pilersuisinnaassusiat pisariaqarnera naapertorlugu nakkutigineqartassalluni.

**§ 10.** Naalakkersuisut malittarisassiorsinnaapput qatserinermut atortussat sulisullu qassiunissaat pillugit.

Imm. 2. Qatserinermut atortussat pisariaqartut kommunip pissarsiarinnigippagit aammalu naammattumik aserfallatsaalinnigippagit, qatserisartunik pisariaqartitanik atorfinitsissimannigippagit, imaluunniit kalerrisaaruteqarneq annertusanngippagu aserfallatsaalinaagulu, apeqqut Naalakkersuisunut suliassanngortinneqarsinnaavoq.

Imm. 3. Naalakkersuisut amigaatit iluarsitissinnaavai kommunip akiligaanik.

## **Kapitali 2.**

Qatserisartoqarnerup nakkutiginnissaa pillugu.

**§ 11.** Kommunini tamani qatserisartoqarnermut oqartussaasut Naalakkersuisut qullersaraat.

Imm. 2. Naalakkersuisut nakkutilliinerup ingerlanneqarnissaa akisussaaffigivaat, tamanna pillugu erseqqinnerusunik malittarisassiortassalluni, tassunga ilaatillugit qatserisartunik misiligutaasumik kalerrisaarisarnermut tunngasut.

## **Kapitali 3.**

Ikuallattoqartillugu iliuusissat.

**§ 12.** Kialuunniip ikuallattumik imaluunniit pissutsinik ikuallannermik kinguneqarsinnaasumik takusaqartup navianartorsiortinneqartut erngerluni nalunaarfigissavai, qatserisartut kalerrisaassallugit aammalu inneq millisarniassallugu navianartorsiortitsisorluunniit pinngitsoortinniassallugu.

**§ 13.** Ikuallattoqartillugu kinaluunniit sapinngisani naapertorlugu ikiuuttussaataavoq.

Imm. 2. Ikuallattoornermi najuuttoq ikuallattoorfimmi naalagaatitaasup piumasaqarnera malillugu annaassiniarnermi qamisaaniarnermilu peqataasussaavoq. Imminut naalakkiutigineqartut maleruassavai aammalu peqquneqarnini malillugu suliassani akuerineqaaqarnani qimassanagu.

Imm. 3. Inuit ataasiakkaat qatserinermut atortui, majuartarfiit, immersakkat assigisaallu, angallassissutit suqaluartulluunniit aammalu sulliviutillit maskiinaataat sulinermilu sakkuutit allat ikuallattoorfimmi naalagaatitamit qamisaanermut annaassiniarnermullu atugassangorteqquneqarsinnaapput sulisussat pisariaqartut ilanngullugit.

Imm. 4. Kinaluunniit imm. 1-imiit 3-mut aalajangersakkat naapertorlugit annaassiniarnermi qamisaanermilu peqataasimasoq imaluunniit sakkuutinik angalassissutinilluunniit tamatumunnga atugassangortitsisimasoq, atortussat ingerlatitaanerannut aningaasartuutitut matusissutissanik kommunimit pinsinnaatitaavoq aammalu sulinerup nalaani atortut ajoqusigaanerannut taartisisussaatitaalluni, aammalu sulinermi aningaasarsissaraluanut annaasimasanut kommunimit taartisisussaatitaavoq.

**§ 14.** Ikuallattoqartillugu qamisaanerup annaassiniarnerullu pisariaqartitaatut annertussusilimmik qatserisartut isersinnaatitaapput inuit ataasiakkaat najugaannut, pisariaqassappat akornutit aqqutalugalugit peerlugillu.

Imm. 2. Qatserisartut pinsinnaatitaapputaaq illorsuarnik isaterinissamut, ikuallattoorfimmi naalagaatitaasup tamanna pisariaqartutut isumaqarfigippagu innerup siaruariartornera unitsinniarlugu.

Imm. 3. Qatserisartut taamaasiornikkut ajoqusiinerat ikuallattoornermi ajoqusiinertut isigineqassaaq.

Imm. 4. Ikuallattoqartillugu qatserisartut pisussaatitaapput imeq imiisivinniitooq aammalu sulluliani erngup aqqutaaniitooq atussallugu.

**§ 15.** Qatserisarnermi formandi imaluunniit taanna najuutsinnagu taartaasoq taassuma toqqagaa qamisaanerup annaassiniarnerullu nalaani ikuallattoorfimmi naalagaassaaq.

**§ 16.** Ikuallattoqartillugu politiit pisariaqartitsineq naapertorlugu annertussusilimmik assiaqutsersuissapput, eqqissisimanerup attatiinnarneqarnissaa isumagissallugu aammalu iliuusissat inunnut tamanut isumannaallisaatitut pisariaqartut iluarsartuutissallugit. Imm. 2. Kinaluunniit assiaqutsiussamik ataqqinninnissamut aammalu politiit qatserisartulluunniit assiaqutsersukkamik imaluunniit ikuallattoqarfimmut tassanngaanniilluunniit aqputinik qimatseqqusinerannut malinninnissaminut pisussaavoq.

**§ 17.** Ikuallattoqartillugu qatserisartut maluginiassavaat ikuallannermut suna pissutaasimasinnaanersoq. Pasiartunik nassaartoqarpat politiit erninnaq nalunaarfigineqassapput, uppersaatissarlu sapinngisamik isumannaarneqassalluni.

#### **Kapitali 4.**

Sulliviit ikuallattoornissamik navianaateqartut il.il. pillugit.

**§ 18.** Sulliviit pilersinneqassappata, taakkunani sananeqassallutik, suliarineqassallutik imaluunniit atorneqassallutik imerpalasut, silaannaat imaluunniit akoorutissat qaartoorsinnaasut, ikuallajasut imaluunniit ikuallajasorujussuit, qatserisartoqarnermut ataatsimiititaliamit imaluunniit kommunimi

ataatsimiititaliamit allamit, takuuk § 2, imm. 4, akuerineqarnissaq piumasarineqarpoq. Tamanna aamma atussaaq sulliviit taama ittut annertuumik allannortiterneqarnerini, allineqarnerini imaluunniit ingerlanneqarnerisa allannortinneqarnerini.

Imm. 2. Qatserisartoqarnermut ataatsimiititaliap imaluunniit kommunimi ataatsimiititaliap allap, takuuk § 2, imm. 4, piumasarisinnaavaa, sulliviit inissisimanerat, aaqqissuunneqarsimanerat atorneqarnerallu pillugit pisariaqartutut isumaqarfigisanik iliuseqartoqassasoq ikuallattoornissamut qaartoornissamulluunniit navianaat millisarniarlugu imaluunniit ikuallattoqartillugu qamisaaissamut inunnillu annaassiniarnissamut periarfissat ajunngitsut isumannaallisarneqarnissaannut. Tassunga ilaatillugu sullivik peqquneqarsinnaavoq qatserinissamut annaassiniarnissamullu atortussanik pissarseqqullugu aammalu nammineq atugassatut imermik pilersuiffeqaleqqullugu.

**§ 19.** Qatserisartoqarnermut ataatsimiititaliap imaluunniit kommunimi ataatsimiititaliap allap, takuuk § 2, imm. 4, aalajangersinnaavaa, illorsuit assigisaallu pillugit, pissutsit ikuallattoornissamut navianaateqartut atuukkaangata, imaluunniit nalilerujussuit aserorneqarnissamut navianartorsioraangata, iliuseqartoqassasoq navianaatip millisinneqarnissaannut imaluunniit ikuallattoqartillugu annaassiniarnissamut periarfissat ajunngitsut isumannaallisarnissaannut. Aalajangersagaq taama ittoq aamma atortinneqarsinnaavoq oqaluffinnut, isiginnaartitsisarfinnut, illusisarfinnut, napparsimavinnut, parnaarussivinnut, illorsuarnut ilinniartitsiviusunut, saqqummersitsiviusunut imaluunniit nuannaarniartarfiusunut aammalu illorsuarnut imaluunniit ininut annerusunut inuit amerlasuut katersuuttarfiinut. Tassunga ilaatillugu peqqussutigineqarsinnaavoq, qatserinermut atortussat pissarsiarineqassasut, aammalu qatserisartut qamutaannut aqutissat sananeqassasut aammalu qatserisartut majuartarfii tissalukaartaataallu inissiffissaqassasut.

Imm. 2. Qatserisartoqarnermut ataatsimiititaliap imaluunniit kommunimi ataatsimiititaliap allap, takuuk § 2, imm. 4, aalajangersinnaavaa katersortarfiit, nuannaariartarfiit, eqaarsaartarfiit, isiginnaartitsisarfiit assigisaalu atorneqarnerini ikuallattoornissamut sissuertunik pilersitsisoqassasoq, taakkunungalu akiliutissat akilerneqassasut katersuutsitsinermik aaqqissuisunit akiliutissaq kommunalbestyrelsip aalajangerneqarsimasoq naapertorlugu.

**§ 20.** Qatserisartoqarnermut ataatsimiititaliap imaluunniit kommunimi ataatsimiititaliap allap, takuuk § 2, imm. 4, §§ 18 aamma 19 naapertorlugit aalajangiinera kommunalbestyrelsimut suliassannortinneqarsinnaapput. Kommunalbestyrelsip aalajangiinera Naalakkersuisunut suliassannortinneqarsinnaavoq.

## **Kapitali 5.**

Pujoorfinnik salineq il.il. pillugit.

**§ 21.** Naalakkersuisut, Kalaallit Nunaanni kommuneqarfiit kattuffiat isumasioreerlugu, pujoorfiit aamma putsup aqqtai qanoq akulikitsigisunik qanorlu salinneqartarnissaat, kikkut saliisassanersut tamatumunngalu akiliutissat kikkut akilissaneraat pillugit erseqqinnerusunik malittarisassiussapput.

## **Kapitali 6.**

Ikuallattoornissamut navianaatip pitsaaliornissaanut iliuusissat pillugit.

§ 22. Kinaluunniit pisussaataavoq naleqquttumik mianersuussinissamut innermik, naneruutiniq, ikitsisiniq, arsakuninik, akoorutissaninik ikuallattoornissamut navianartuninik, aammalu ikuallattoorutaasinnaasuninik ikuallassaasinaasunilluunniit, aammalu inuit inoqutiminnut ilaasut imaluunniit sullivimminnut atasut taamatut mianersuussinissaat isumagissallugu. Pingaartumik sianigineqassaaq ikitsisit assigisaasalu meeqqaninik tikinneqarsinnaanngitsuni paarineqarnissaat.

§ 23. Sanaartukkaninik kallerup inneranut tunngasuninik imaluunniit qaammaqquteqarfinninik, kiassaateqarfinninik, nukissiuuteqarfinninik, gasimik maskiinaqarfinnilluunniit allaninik ikuallattoorutaasinnaasuninik imaluunniit ikuallassaasinaasuninik piginnittup atuisulluunniip sanaartukkat taamaattut atussanngilai imaluunniit atortissanngilai, ajunngitsumik pissuseqanngippata malittarisassalluunniit malillugit pissuseqanngippata.

§ 24. Illorsuarninik ininilluunniit qisuttuiffilinninik piginnittoq atuisorluunniit pisussaavoq qisuttuiffiup aammalu tassanngaanniit putsup aqquataata salinneqartarnissaanut.

Imm. 2. Pujoorfiit, qisuttuiffiit putsullu aqquataasa aserfallatsaalinissaannut piginnittoq akisussaavoq. Atuisup amigaat paaseriaruniuk piaarnerpaamik piginnittoq imaluunniit qatserisartoqarnermik nakkutilliisoq tamanna pillugu nalunaarfiginissaanut pisussaavoq.

§ 25. Naalakkersuisut ikuallattoornissamut qaartoornissamullu navianaatit pitsaaliornissaat siunertaralugu innerup qaaimnaqqutillu atorneqarnissaat pillugit, akoorutissat paarineqarnerat, atugassanngortinneqarnerat, angallanneqarnerat aammalu ikuallajasut qaartoorsinnaasulluunniit, mangertut, imerpalasut imaluunniit silaannaartut ittut pillugit aamma sulliviit akoorutissaninik taama ittuninik uninngatitsiviusut, atuisut imaluunniit sanaartortut iluarsartuunnissaat pillugit, ikumatitsiviit iluarsartuunneqarnissaat atorneqarnissaallu pillugit aammalu qaammaqqutinut nukissiuutinut kiassarnermullu sanaartukkat pillugit najoqqutassiorsinnaapput.

Imm. 2. Naalakkersuisut aaima ikuallattoornissamut navianaatip pitsaaliornissaanut pisariaqartutut isumaqarfigineqartut aammalu ikuallattoqartillugu qatserinissamut annaassiniarnissamullu periarfissat ajunngitsut isumannaallisarneqarnissaannut taamaattuninik aalajangersagaliorsinnaapput.

## **Kapitali 7.**

Pineqaatissiinerit atortuulersitsinerlu pillugit aalajangersakkat.

§ 26. § 12, 13, imm. 1-3, 18, 22, 23 aamma 24 unioqqutinneqarneri pillugit imaluunniit § 16, imm. 2 aamma § 19 naapertorlugit peqqussutit maleruarneqanngitsoorneri pillugit akiliisitsisoqarsinnaavoq, inatsisit allat naapertorlugit pineqaatissiissutissat sakkortunerusut atorneqassanngippata.

Imm. 2. Maleruaqqusani peqqussut naapertorlugu suliarineqarsimasuni aalajangerneqarsinnaavoq, tamakkuninnga unioqqutitsinerit akiliisitsinermik kinguneqarsinnaasut.

Imm. 3. Aktieselskabi, anpartsselskabi, andelselskabi ingerlatseqatigiiffilluunniit taamaattoq unioqqutitsisimaguni, ingerlatseqatigiiffik immiini akiliisinneqarsinnaavoq.

Imm. 4. Kommuni imaluunniit kommunit suleqatigiiffiat unioqqutitsisimaguni, kommuni kommunilluunniit suleqatigiiffiat immiini akiliisinneqarsinnaavoq.

§ 27. Inatsisartut peqqussutaat una atortuulissaaq 1. januar 1993-imi, tamatumunngalu peqatigitillugu ikuallannaveersaartitsineq qatserinerlu pillugit Inatsisartut peqqussutaat nr. 9, 19. december 1986-imeersoq atorunnaarsinneqassalluni.

Imm. 2. Ikuallannaveersaartitsineq qatserinerlu pillugit Inatsisartut peqqussutaat nr. 9, 19. december 1986-imeersoq malillugu nalunaarutit il.il. suliarineqarsimasut atortuuginnassapput, Inatsisartut peqqussutaat una tunngavigalugu aallangortinneqanngikkunik atorunnaarsinneqanngikkunilluunniit.

Imm. 3. Kalaallit Nunaanni qatserisartoqarnermik inatsit nr. 513, 21. december 1979-imeersoq tunngavigalugu nalunaarutit il.il. suliarineqarsimasut atortuuginnassapput, Inatsisartut peqqussutaat una tunngavigalugu aallangortinneqanngikkunik atorunnaarsinneqanngikkuni iluunni it.

*Namminersornerullutik Oqartussat, ulloq 30. oktober 1992.*

Lars Emil Johansen

/

Ove Rosing Olsen